

條規二十四則

一祭祀依往例以冬至爲定各處輪流值年每歲值年人先期詣祠灑埽庭堂拂拭几案潔除祭器張挂燈綵陳設一切先日行省牲禮眡割牲陳毛血於中三案然後行告牲禮於中堂

一值年人先期備辦祭禮擇一二人管公房設立號簿分載各處地名凡與祭者先至公房登書名字照舊章每名出口費錢百文一宿兩餐不得停畱以節糜費其贊禮執事辦公以及有官爵衣衿所帶跟隨輿夫亦須報明不出口費以示序賢貴爵

之義

一主祭宜推大宗或推族長及有功名顯達者或新舉人進士詞林鼎甲及優拔副貢新生以示尙齒尙爵之意陪祭諸孫對越祖考俱要衣冠整齊正容肅體班立以序乃爲誠恪若附耳細語阿咳跛倚喧譁擾攘皆爲不敬糾儀者責之分薦則另擇卑幼二人俟正龕祭畢分祭東西祔位行上香一獻禮無文

一祭品值年敬謹預備族眾幫同料理各案杯筷籩豆鉶敦簋簋及羊豕穀饌等項由族眾敬謹安置

酒饌飯均要溫潔不得假手他人致有不恭均爲執事等是問惟麤重之物可使奴僕雇工代之

一祭畢而燕殽品酒飯成規已定無容增減凡與燕者務敬老慈幼推賢讓能坐立必序獻酬有節毋得爭辨喧譁嗜酒肆橫違者責之

一祭前三日總管將合族通曉禮儀者派定主祭一人陪祭二人通贊二人引贊二人讀祝一人中案執事二人左右案執事各二人司鐘鼓二人司燎一人餘眾皆與祭各具清單傳知各於名下註明書到實有故不到書知毋得臨時推諉居鄉則先

期自備鋪蓋住祠毋庸知會

一朔望由總管衣冠虔備燭爆早晚行香內外打掃
每月上香一盤不得以香火神燈概交守祠佃戶
經理祠中各物另立清冊二本一交總管一交守
祠者隨時點查至佃戶短租卽時更換不得姑容
倘有刁難抗霸情節卽傳族呈縣驅逐

一祠堂擇在城殷實者總管鎖鑰卽交伊手着佃戶
看祠人越日打掃潔淨有當修之處動公修理或
有應試及公事商之總管戶首公議允協方准領
鑰開門住居但不得酗酒爭鬪賭博如犯逐出一

切應用器皿什物毋得毀壞而包攬詞訟者不許
寄宿

一總管公事二人一正一副須特舉才具明練辦事
無私者爲之一切契約字據佃錢公款均歸收管
立大簿二本互相收執每屆冬至憑眾核算着各
房戶首批記總數庶覬覦侵蝕之弊除而上可以
告祖宗下可以對宗族矣其總管亦三年更換如
辦理妥協公同再畱

一族內公選數人爲戶首各房另擇公事明幹者
爲房長凡兄弟子姪輩有忤逆不孝冒犯尊長

宗族不睦浪遊無業流入匪黨及玷辱祖先者宜早曉諭飭戒如强悍逞刁不遵約束送祠嚴懲

一錐刀之末人盡爭之又從而媒孽焉遂成大釁嘗見右姓設立家法族長就宗祠訊其曲直負者重責在天良未沒者可漸動其孝弟之心卽人理盡亡者未必不畏鞭笞之辱此法行訟端必絕吾族有訐訟者准入祠請明戶首公同剖斷處治休息不必質之公庭如不遵家規合族出稟送縣收押一墳墓星羅碁布其年湮代遠者仰附近族正房長掛埽修培毋得推諉亦不得藉端滋事各處有公

山者毋得擅自混行砍伐進葬時不得惑聽術士
致有騎頭塞腳劈塚蒙葬及截破流砂塚土等情
違者公同起杆

一大傳云雖百世而婚姻不通則同姓爲婚禮有明
禁今律官斷離異我族或有同姓爲婚者該房長
族正查明公同處罰斷退不遵以家規懲治稟究
至已娶異姓之女爲妻原思承先續後如或不守
本業致蕩家貲無故出妻查出不許入譜至於夫
死兄弟轉房尤屬亂倫惡習如族中有此事該房
長族正查明報祠公同處罰懲治仍斷離不遵稟

究

一例載無子者許令同宗昭穆相當之姪承繼先儘
問同父周親次及大功小功總麻俱無者方許擇
立遠房又載若應繼之人素有嫌隙則於親房內
擇賢擇愛聽從其便如可繼之人亦係獨子而屬
同父周親兩相情願者取具合族甘結准其承繼
兩房宗祧此獨子而以孫分繼者也

一結盟拜會學習邪術上干國法下敗家風該房長
戶首理宜隨時查察如有不法鳴族報祠以家規
懲治若怙惡不悛公同稟究如出首有挾私隙捏

情裁誣意圖報復者亦不准

一溺女最爲殘忍現在鄉間各甲有育嬰費可領省垣育嬰堂斷不可送蓋送堂以爲代哺得人不知朝入暮死其去溺女者幾希我族窮丁該房長須傳知不准溺女送堂或撫養二三歲與人爲媳如有溺女之家查出將夫懲責

一公項理宜買田置屋或有贏餘歸總管生放議息一分據交總管每年冬至結算年清年款不得屢借貪圖微利致貽後悔攤賠

一公產出佃外姓須擇老成殷實作家有保舉者佃

字交總管收執規銀擇主生息惟族人不得佃種亦不得徇私混引致債公事違者公同處罰

一祠中燈綵鋪墊經營每伏日曬晾一次收藏其一切器物歸祠管者雖本族不得借用倘值年私借及不告總管擅自到祠取用者均受罰然亦必告知總管發有圖書揮條方准守祠人發給如有損壞令其賠修

一族人出入家廟均由外側門下輿婦女則至門牆外下輿均不得逕由中門至大廳下輿以昭誠敬一族中有捐費入祠及指置物件入祠者於所置物

件上及簿內皆註明以便修譜登載

一凡出仕得缺後自應特申孝思無論科甲保舉捐納出身未經獎賞者均應情殷一本量力捐輸祠中登載勒石刊譜

一修譜以三十年爲率方正學云睦族莫重於序譜不修譜者謂之不孝譜之修將以教孝也亦將以教弟也范文正云吾宗族在吳中者甚多雖有親疏自祖宗視之均是子孫如有不睦該房長戶首隨卽調處無使興訟以杜患於未萌也

一譜成共刷總譜若干冊支譜若干本編立字號用

圖章戳記註明某字號某埠某人名號領收每逢
子午卯酉年冬至各帶譜赴祠查驗倘有遺失損
壞及藉譜漁利等弊查出責罰追繳有屆期抗不
呈驗者公同議罰